

В ТОЙ ЖЕ ДЕНЬ преставленіе преподобнаго отца нашего Авраамія, архиман'дрита Богомвленьскаго, ростовскаго чюдотворца.

862 б. Преподобный отец наш Аврааміе бѣ родителю благочестиву сынъ. Сей остави родителя||своя и мирскій мятежь, и вземъ крестъ христовъ, и послѣдова Христу, и отъ младыхъ ноговъ Богу себѣ пред'стави и бысть мнихъ и чистоты пріателище бывъ святаго Духа, покоривъ убо плоть духови и облада страстьми плотъцкими, и жестокому пребыванію и нужному себе вдавъ и трудомъ себе истон'чивъ. И бысть мнихомъ началнивъ и житіе ангельское чюдеса обогатѣвъ, благодать пріимъ и страсти неиспѣлныя и теченіемъ слезнымъ душу свою омывъ. Видѣвъ же преподобный прелесть идольскую суццю, (не убо бѣ еще вси святое крещеніе прияли, но еще чюдъскый конецъ поклоняшеса идолу каменному Велесу, омрачени бо сердца ихъ омраченіемъ бѣсовскимъ, бѣ же во идолѣ бѣсу злу живущю, яко близъ его не смѣящу никому же путемъ тѣмъ ходити, и мечты творящю, мечеть бо христіаномъ пострашилища злымъ омраченіемъ), преподобный же Авраамій помолися Богу, глаголя: Господи Боже вышній! Призри с высоты святыя своя на раба твоего; дай же ми силу и благодать святаго твоего Духа разорити ми многокозненнаго сего идола! И не возможно; не дадыше бо ни близъ себе пріити окан-

862 в. ный злымъ вол'ше||ствомъ своимъ. Недоумѣяшеса о семъ преподобный, и бысть во уныніи, скорбя, сѣдыше. И видѣ стар'ца,

к себѣ грядуща, благоговѣйна образомъ суца. Преподобный же срѣте его, и оба поклонистася межи собою, и взявъ другъ отъ друга благословеніе, и сѣдоста. Нача же преподобный Авраамій къ старцю глаголати: откуда, отче, грядеши и коея страны еси, святче божій? И глагола ему старецъ: азъ есмь, отче, отъ Царяграда родомъ и приплещь есмь на вашей земли странный. Рцы же ми ты, отче, что ради, скорбя, сѣдиши близъ многострастнаго сего идола Велеса? И глагола блаженный Авраамій къ стар'цю: тѣшюся и молюся Господу Богу разорити многострастнаго сего идола Велеса, и не возможно ми; презре бо Господь Богъ мой желаніе мое, и се, скорбя, сѣдохъ. Глаголаше же старецъ ко Авраамію: аще хочети, отче, желаемое получить, иди къ Царюграду и пытай во градѣ дому Ивана Богослова, и вниди в домъ его и помолися образу его, и не изыдеши отъ него тощъ; ащели не идеши в домъ Ивана Богослова, не можеша получитьи сего. Печалень же бысть Авраамей о долготѣ пути. И глагола ему ста||рецъ: Господь Богъ 862 г. прекратитъ ти малымъ временемъ. Блаженный же Авраамей наполнися Духа святаго и, вземъ благословеніе у старца, нача путемъ тещи, забывъ долготу пути. И преиде Ишнюю реку ¹⁾ и стрѣтъ чловѣка, страшна, благоговѣйна образомъ, плешива, возлыса образомъ, брадою круглою, великою и красною суца зѣло, имѣюще трость в руцѣ. Блаженный же падъ под ногами его и поклонися ему. И глагола ему страшный мужъ: где, старче, грядеши? И глагола ему блаженный все порядку, коея ради вины

ἀλλ' ἐκ τῆς χάριτος σου. ἐφώτισεν γάρ μου τὴν διάνοιαν. Δέομαι σου, ἄγιε δεσπота, σώσον τὴν ψυχὴν μου ἐν τῇ βασιλείᾳ σου καὶ καταξίωσον με εὐλογῆσαι σε μετὰ πάντων τῶν εὐαρεστησάντων σοι. ὅτι σοι πρέπει δόξα, προσκύνησις, μεγαλοσύνη τῷ πατρὶ καὶ τῷ υἱῷ καὶ τῷ ἁγίῳ πνεύματι, νῦν καὶ ἀεὶ καὶ εἰς τοὺς αἰῶνας τῶν αἰῶνων. ἀμήν, — (бывшая для меня) въ этомъ вѣкѣ заступничествомъ и прибѣжищемъ, гордостію моею и похвалою; сама она пусть покроетъ меня своими крыльями въ тотъ страшный и приводящій въ трепеть день; ибо ты—испытывающій сердца и утробы, знаешь, что я уклонялся отъ многихъ ложныхъ путей и множества соблазновъ (ложными путями я называю еретическія умствования и излишнюю изслѣдовательность (пытливость), и это я сдѣлалъ не самъ, но силою твоей благодати. Просвѣти мой умъ. Молю тебя, святой владыко, спаси мою душу въ царствѣ твоёмъ и удостой меня благословлять тебя со всеми благоугодившими, яко тебѣ подобають слава, поклоненіе и веледѣніе Отцу и Сыну и святому Духу, нинѣ и присно и во вѣки вѣковъ. Аминь. Въ С. Богу нашему слава. ¹⁾ С. шарину' рѣки.

грядеши ¹⁾ на възысканіе дому Ивана ²⁾ Богослова. И глагола ему страшный мужъ: иди, старче, возми сію трость и возвратися, и приступи ко идолу Велесу; избоди его тростию сію ³⁾ во имя Ивана Богослова, и будет ти въ прахъ океанный. И абіе невидимъ бысть. И позна блаженный Ивана Богослова, и страхомъ и радостію одержимъ, возвратися воспать, и прииде ко идолу безбрани и избоду его тростию во имя Ивана Богослова, иже есть и до сего дне. И возьмъ благословеніе у епископа Феодора и водрузи церковь малу на томъ мѣстѣ, идеже былъ прежде идолъ, во имя

863 а. святое||богоявленіе Господа нашего Иисусъ Христа, и келіи поставивъ, и мнихи призва и печашеся ими, и общину сотвори. И множество зла подыать отъ невѣрныхъ, овогда же разорити хотяще святыню, изъжещи хотяще, но Богу не попустивъшу имъ молитвами и терпѣніемъ преподобнаго. Не по мнози же времени всѣхъ приведе ко Христу богоразуміемъ, и крестипаша отъ мала и до велика и начаша ходити на словословіе божіе и на всенощное жены и отроци. Преподобный же почитаніемъ книжнымъ и поученіемъ духовнымъ наслаждаше сердце ихъ, тако медъвена сота сладчайши. Мнози же отроци оставиша родителя своя, и тай приходяще к нему, и быша мниси. Преподобный же безъ браненія вся приходящая пострижаше, тако виноградъ, сидяше при водахъ дрeвеса, и напааше ихъ водами, — поученіемъ божественныхъ словесъ. И умножи мнихы, и возьмъ благословеніе у епископа Лариона, и церковь велику созда и украси ю, тако невѣсту христову, чюдными иконами и святыми книгами, и в ней найпаче множашеся пѣніе святое. Князи же

863 б. ростовстїи начаша вѣру держати в ма-настырю и ко отцю Авра||амію и ко всѣмъ мнихомъ; имѣнія многа даяху на строеніе монастырю и села даваху на потребу мнихомъ. Видѣвъ же преподобный епископъ Ларионъ множащася монастырю, всѣми

потребами изобилну сущю, совѣтъ же сотвори епископъ Ларионъ с великимъ княземъ Владимиромъ, да со княземъ Борисомъ, дабы сотворили архимандритію ту обитель, и святивъше преподобнаго Аврааміа, и поставиша его архимандритомъ. Нача болши подвижати и труды ко трудомъ прилагати, и молитвѣ и посту себе вдавъ і образъ бывъ всѣмъ, смиреніе велие стяжавъ и любовь нелїцемѣрну ко всякому равну, к велику и къ малу. Старый же ненавистникъ добру діаволь вооружашеся на преподобнаго, пакости ему творяше; но никакоже устрази преподобнаго мечты своими, огражденъ бо бѣ христовою благодатію и крестнымъ знаменіемъ. Бысть нѣкогда, святому хотящю по обычаю литургисати во святѣй церкви, обычныя молитвы пѣвъше ко святому причащенію и хотящю умыти руцѣ, и діаволь вниде во умывальницу в воду, хотя преподобному спону сотворить водою. Разу||мѣвъ же преподоб-

863 в. ный лукаваго врага в сосудѣ, и возьмъ преподобный честный крестъ, и положи на верхъ сосуда и около сосуда огради крестнымъ знаменіемъ, и не вреждая сосуда на многи дни. Бѣсѣ же, крестною силою згомъ в сосудѣ, и не могли изыти. Бысть же обычай княземъ на поле ѣздити по вся дни на ловы, и паки возвращаяся во градъ, вхождаху в монастырь поклонитися церкви и отъ святого благословеніе приимаху. Паки же по обычаю придоша князи в келью преподобнаго благословенія ради. По случаю же в то время преподобный в пекарни мыяше власяници на братію; обычай бо имѣяше преподобный по вся дни на братію тружати, овогда дрова в поварню сѣчаше, иногда власяници на братію и мыяше, иногда воду пошаше в поварню и въ пекарню. Слышавъ же преподобный о князѣхъ, тако придоша в келію его, пойде же в келію свою благословити ихъ. Еще же преподобному не дошедъшу келіа своя, князи же суть в кельи, ждуще преподоб-

1) Должно быть: грядеть. 2) С. и Ивана. 3) Должно быть: сею.

прощенія, о немъ же согрѣши къ старцу, со слезами глаголя: азъ, отче, повиненъ есмь приходу твоему нужному, и люто оскорбихъ ты зѣло; отдай же ми, отче, о немъ же ты прогнѣвахъ, се бо, отче, врагъ омрачи ми сердце и разъяри мя на ты и въверже мя в сей грѣхъ. Старецъ же глагола: Господь проститъ ты, самодержавный царю; сіе бо дѣло стараго врага діавола; понеже, царю, не дивися сему; искони боряся со человекъ, паче же мнихомъ, боащимъся Бога спону творити. Князь же великій Владимерь, видѣвъ смиреніе преподобнаго и тихими словеса, смиренными глаголюща к нему, аки ничто зла воспримъша, нача ублажати преподобнаго и честь велику воздасть ему, на созданіе монастырю и дома и села многи, || и устрои его своимъ монастыремъ и учини его выша всѣхъ обителей, иже суть в Ростовѣ, и многи рабы подавъ в домъ святому Богоявленію и грамоты подавъ жаловалныя, иже суть и до сего дни, и отпусти его с великою честію къ своему монастырю. И поживе преподобный въ своемъ монастыри в велице смиреніи и труды къ трудомъ прилагати, и въ глубочѣ старости ко Господу отъиде, его же возлюби.

Похвала преподобнаго Аврамія.

Како ты похваляю, преподобне, молебными пѣсньми? Память твою ублажающе, празднуемъ, похвалныя вѣнца приносимъ ти, глаголюще: радуйся, преподобне Авраміе, примый венець вседержителя Бога; радуйся, святая главо, инокомъ учителю и правило; радуйся, отче, и мы же, избывше отъ тмы, свѣтъ познахомъ. Радуйся, древо честнаго рая, имъ же возрасти намъ лѣторасли инокъ множество, отъ нихъ же нынѣ иноцы насыщаются поученіе ¹⁾ духовныхъ, приемлють грѣховъ прощеніе.

Радуйся, дѣлателью вѣры христовы; радуйся, раздрушивый идола, и взораль еси землю сердца невѣрныхъ людей святымъ крещеніемъ и насыль еси || святыми книгами, ^{865 а.} поученіемъ божественныхъ словесъ полезныя рукоати покаянія; друзи же уже гадятъ неоскудную пищу въ царствіи небеснѣмъ, емаже трапезы сподобимся и мы грѣшніи, кающеса грѣховъ своихъ молитвами преподобнаго Аврамія, христова угодника о Христѣ Исусѣ Господѣ нашемъ ²⁾.

||ПРОЛОГЪ. МѢСЯЦА ТОГОЖЕ ^{866 а.}
29 страсть святыя мученици Анастасіи Римляныни ³⁾.

Стихъ: главу усѣченіе принесе римское сердце, прозябеніе римское — мученица Анастасія.

Та бѣаше при Декіи цари и Улеріанѣ и при Провѣ игемонѣ, римляныни родомъ, млада сущи върастомъ, и в нѣкоемъ манастыри пребывающа. И сіа, дерзновеніемъ исповѣдавши Христа, и тата бѣвши и бѣма по лицу и по огпену углю простерта бѣвши ⁴⁾... и на дровѣ повѣшена бѣвши и по всему тѣлу строгана и удицами острыми растерзается, и сесца ея отрѣзаша и погѣти ей искорениша и рудѣ и нозѣ ей отвѣкоша и языкъ ей изрѣзаша и зубы ей искорениша и наконецъ главу ей отсѣкоша.

В ТОЙ ЖЕ ДЕНЬ память преподобнаго отца нашего Аврамія и Маріи, анепсеи ⁵⁾ его ⁶⁾.

Стихъ: телесная вся удеса, Авраміе, умертвивъ, умерь жительствуеши съ бесплотными ангелы. Оставльше телесныя рачителя, Маріе, душевному рачителю приплетаешися.

¹⁾ Должно быть: поученій. ²⁾ Въ С. о Господѣ нашемъ, емуже слава со Отцемъ и святымъ Духомъ нынѣ и присно и в вѣки выкомъ. Аминь. ³⁾ Сличено съ греч. текстомъ по греч. мѣсячной Миней. ⁴⁾ Пропускъ. *ράβδος; καστίχεται*, — прутьями наказывається. ⁵⁾ *ἀνεπίστος ἀδελφὴ*, — двоюродной сестры (по житію — племянницы). ⁶⁾ Нижеслѣдующее житіе есть сокращеніе вышенапечатаннаго съ значительными пропусками и измѣненіями рѣчи. См. выше стлб. 1996.